

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
PREDSJEDAVALJUĆI GRADSKOG VIJEĆA**

Predmet: Inicijativa kluba vijećnika PoMAK

Inicijativa predsjedavajućem Gradskog vijeća za održavanje tematske sjednice u vezi organizacije primarne zdravstvene zaštite nakon što je zgrada Doma zdravlja Bihać proglašena neupotrebljivom zbog opasnosti od urušavanja.

Obrazloženje

Posljedice zemljotresa koji je pogodio Petrinju u susjednoj Republici Hrvatskoj osjetili su i građani USK, dok su iste najviše vidljive na Domu zdravlja Bihać, koji prema procjenama stručnih lica više nije siguran za upotrebu. Pozdravljamo iniciranje opravdanih zahtjeva da Bihać dobije novi Dom zdravlja i ovim putem pozivamo na ujedinjenje i kordinirano djelovanje krajiških predstavnika na višim nivoima vlasti kako bi do realizacije projekta novog Doma zdravlja Bihać u konačnici i došlo.

Međutim, u ovom trenutku primarno je razmišljati o obezbjeđenju i nesmetanom provođenju primarne zdravstvene zaštite o kojoj ovisi 60.000 biščana, a na koju ne mogu čekati 3,4 ili 5 godina dok se nova zgrada ne izgradi. Zbog toga smatramo da su menadžment Doma zdravlja Bihać, Ministarstvo zdravstva i socijalne politike i na koncu Vlada USK ključni akteri, čija je obaveza da što prije iznađu kvalitetno rješenje alternativnog smještaja svih službi, zdravstvenog i nezdravstvenog sektora Doma zdravlja u cilju nesmetanog odvijanja procesa u okviru primarne zdravstvene zaštite. Takvo rješenje, da bi bilo kvalitetno podrazumijeva smještaj svih službi na jednom mjestu, kako građani ne bi bili primorani da različite usluge istog nivoa konzumiraju na više različitih adresa u gradu.

Obzirom da se do sada niko od navedenih nije zvanično oglasio, niti se postigla saglasnost za održavanje tematske sjednice Skupštine USK, smatramo da je krajnje vrijeme da se nadležni, a prije svega Vlada USK i Ministarstvo zdravstva i socijalne politike suoče sa problemima koji su nažalost u našem zdravstvenom sistemu konstantni i konačno počnu raditi svoj posao.

Zdravstveni sistem godinama je u nezavidnom položaju, čemu građani koji koriste zdravstvene usluge svakodnevno svjedoče. Posljedice potresa i neupotrebljivost zgrade Doma zdravlja Bihać, pokazale su ono što građani godinama već znaju, a to je da zdravstveni sektor odavno zahtjeva korijenite promjene.

Kako se radi o zdravstvenoj ustanovi od posebnog značaja za građane Grada Bihaća, smatramo da je nužno da Gradsko vijeće Bihać raspravi, donese zaključke i zauzme stav o pravu djelovanja u cilju hitnog rješavanja pitanja privremenog smještaja i organizacije rada primarne zdravstvene zaštite, te sanacije postojeće ili eventualne izgradnje nove zgrade Doma zdravlja Bihać.

Predlažemo da se na sjednicu pozovu:

- Ministrica zdravstva i socijalne politike
- Direktor Doma zdravlja Bihać
- Predstvanik firme Euroing d.o.o. Bihać

Predsjednik kluba vijećnika PoMAK-a

POMAK
POKRET
ZA MODERNU I
AKTIVNU KRAJINU

